

«Түркі жазуы»
мейрамы«ӨРКЕНИЕТТІҢ ӨРЕЛІ ШОҚТЫҒЫ –
АСҚАҚ РУХТЫ БАБАЛАР ЖАЗУЫ»

Әл-Фараби атындағы
Қазақ ұлттық университетінің
Шығыстану факультетіне
қарасты Түркітану және
үндітану кафедрасы «Көне
түркі жазуы күні» мерекесіне
орай «Өркениеттің өрелі
шоқтығы – асқақ рухты
бабалар жазуы» атты мерекелік
жиын ұйымдастырды.

Көне түрік жазуы тек тасқа
ғана бәдізделмеген, қайыс, ағаш,
қағаз, темір және тағы басқа түрлі
материалдарға жазылғаны бүгінде
анықталып, жазба ескерткіштер
табылып жатыр. Көне қытай жазба
ескерткіштерінде ғұн патшаларының
ресми хаттар жолдағанын, олардың
өзіндік жазу әріптері болғандығынан
дерек береді. Сақтар заманынан
тиесілі Есік қорғанынан табылған

табақшадағы жазу да бәлкім ғұндар қолданған жазумен өзара байланысты
болуы мүмкін. Мұндай жазулар еліміздің де әр жерінен табылып жатыр. Мұның
өзі еліміздің жазу тарихын бірнеше мыңжылдықтарға ұзартады.

Тоқсанның тұғырына көтерілген түркітанушы ғалым, академик Әбдуали
Қайдар, Халықаралық «Қазақ тілі» қоғамының президенті, академик Өмірзақ
Айтбайұлы, Америка Құрама Штаты, Мэдисон университеті, Азия тілдері мен
мәдениеті департаментінің профессоры, PhD докторы, Юлай Шамильоглу,
Фунда Дерин, Орталық Азияны оқыту, Кавказ, Орал-Поволжья шығыстану
институты орталығының жетекшісі, тарих ғылымдырының докторы, профессор
Аликберов Аликбер, Түркия Республикасы, Стамбұл қаласы, Йылдыз
университетінің PhD докторы, профессор Мехмет Олмез, Түркі халықтары
мәдени қорының президенті Ахмет Дағдұран мерекелік шараның басты қонағы
болды. Жоламан Құжиманов, Еркін Нұрханов, Саят Нұрғазин тәрізді қазақтың
ұлттық классикалық әнінің өкілдері мерекеге арнайы ән шашуын алып келсе,
магистранттар тас жазулардың ең алғаш құпиясын ашқан Томсеннің Дания
корольдік ғылым академиясында жасаған мәлімдемесінен, 4 курс студенттері
бақсылар биінен, 3 курс студенттері Ресей өкілі Тевкелевтің Әбілқайыр ханмен
кездесуінен, 2 курс студенттері XII ғасыр ұйғыр мәдениетінің Ферип санам
драмасынан, 1 курс студенттері Күлтегін жыры желісінен тамаша қойылымдар
көрсетті. Өндер айтылып, түркі халықтарының билері биленді. Шара соңында
қонақтарға түркі халықтарының ас мәзірінен дастарқан жайылды.

Ораз САПАШЕВ,
әл-Фараби атындағы ҚазҰУ-дың Шығыстану факультеті,
Түркітану және үндітану кафедрасының меңгерушісі